

## खास परातना करवा की

### अनुवाद का काम में

- ◇ मरकुस अन परेरितों का काम को परकासण फटाकऊँ किदो जा सके।
- ◇ अनुवाद का काम में एक ओरी मनक की जरूरत है।
- ◇ अनुवाद करवा वाळा अन वाँका परवारणे परमेसर की आसिस बणी तकी रेवे।

### गीत का काम में

- ◇ परबु मेवाडी मसी मण्डळी ने काम का वाते धीज्यो बन्दावे अन परबु को काम करवा में तागत देवे हे।
- ◇ मेवाडी-वागडी भासा इलाकाऊँ खुद की बोली में नुवा गीत बणावावाळा आवे अन बजावा वाळा त्यार वे सके।
- ◇ मसी गीत, केण्याँ, हवहमच्च्यार, अणाकी एक आडियो अन एक विडियो सी डी बणावा का वाते परातना करज्यो।

### केणी हिको – केणी हूणाबा का काम में

- ◇ मेवाडी अन वागडी भासा का लोगाँ में आपणी खुद की बोली में केण्याऊँ परबु को वसन फेलायो जा सके।
- ◇ केण्याऊँ वसन हिकाबा अन हिकाबा का काम में अटा की हारी मण्डळ्याँ भेळी वेवे।

### मण्डळी आदारित साक्सरता को काम में


- ◇ मेवाडी अन वागडी इलाका में बाइबल आदारित भणई को काम सरू वेवा का वाते।
- ◇ ईमें काम करवा का वाते दो भई मल सके।

बडो दन कन क्रिसमस नरी दाण मसी लोगाँ का वाते एक तेवार का रूप रे जावे हे। पण परबु ईसु को जनम एक बात ने दिकावे हे के, जद्यॉ मनक की आस जाती रे हे, वटे परमेसर का आडीऊँ आस का रूप में ई धरती पे ईसु मसी ने खन्दाया गया। जद्यॉ आपीं क्रिसमस मनावा हाँ, तो आपाँ ने आ बात आद राकणी छावे हे के, आपणा जीवन की हरेक निरासाऊँ, अबकीऊँ अन चुनौतियोऊँ का हामे परबु ईसु मसी एक आस बन्दाता तका आपणा नके रेवे हे। ईसु मसी को जनम एक नुवी सरुआत हे एक आस भरी तकी, परमेसर का हाते एक नुवी सरुआत। परबु थाँने ई नुवा साल में नुवी सरुआत अन आस में रेबा का वाते मदत करे।

## बड़ा दन अन नुवा साल की घणी घणी सुबकामना

### मेवाड़ मसी मण्डली

फ्लेट न - 1, फ्लोट न - 9, 10,  
आर. के. पुरम, गिरिजा व्यास पेट्रोल  
पम्प का नके, पोस्ट तितरडी,  
उदेपुर, राजस्थान - 313001  
mewari@rajasthaninitiative.org  
www.mewar.co.in



# परमेसर मेवाड़ ॐ अतरो लाड़ करे हे के...



मसी में हाराई भई-बेना ने जे मसी की!

राजस्तान में परमेसर आपणा काम ने ओर भी बड़ारिया हे, ईका वाते परमेसर की मेमा वे। ईका में माँ भी मेवाड़ी भासा में बाइबल को अनुवाद कररिया हा अन हातेई हाते वागड़ी भासा में भी केण्यौं अन गीताऊँ परबु परमेसर की सेवा कररियाँ हौं। परबु माँका समू ने इस्तेमाल कर रिया हे।

एक दन माका समू का एक भई, जीं एक पास्टर भी हे, जिंका नके एक फोन आयो। जणीऊँ माँ ओ पायो के, वणी ई फोन नंबर पाला वर का चप्या तका एक खुळ्यौं कलेण्डरऊँ लिदा हे। पास्टर जी वणी मनक की अरज पे लगातार दो दन तई परातना किदी अन परमेसर वींका छोरा-छोरी ने हव किदा। ई तरियाँ परमेसर माँने फोरा-फोरा मोका में भी इस्तेमाल कर रिया हे।

### अनुवाद को काम

- ♦ नुवा नेम में चार हवहमच्यार, परेरितों के काम, गलातियों, कुलुस्सियों, फिलिप्पियों अन पुराणा नेम में उत्पत्ति, भजन की किताब का एक होन च्यार पाठ तई अन योना को सुरुवाती अनुवाद वे चुक्यो हे।
- ♦ मरकुस अन परेरितों का काम की सला देवा वाळा का हाते जाँच वेगी हे अन अवे परकासन वेबा का वाते त्यार वेरियो हे।
- ♦ हवहमच्यार का परच्या को अनुवाद किदो ग्यो हे।



### गीत बणावा को काम

- ♦ दो दाण गीत समू की सबा वी, जिंमें पुराणा गीत ने भेळा करबा का वाते ते किदोग्यो अन 37 गीता ने लिक्न पालाँ साल की मेवाड़ी-वागड़ी गीत की किताब में भेळा किदा ग्या।



### दूजा काम

- ♦ मेवाड़ी में एक वेबसाइट बणई हे।
- ♦ मेवाड़ी अन वागड़ी भासा में कलेण्डर अन पोस्टर भी बणाया ग्या हे।



सराड़ा में परबु का वसनऊँ केणी बणावा का वाते उत्साहित वेता तका वटा का मनक

### केणी हिको – केणी हुणावो को काम

मई का मीना में सराड़ा में पास्टर कालेव मसी जी की मण्डली में दो दन की केणी की सबा किदी गी ही, जिंमें पास्टर हमेत 27 विस्वास्याँ भाग लिदो हो। जिंमें वणा 7 केण्यौं अन 4 गीत वणाया हा। वसन हिकबा को यो तरिको वाँका वाते आसिसमय रियो।



उदेपुर में लोग फोरा-फोरा समू में केणी वणाता तका।

जून का मीना में गुड सेफर्ड केयर मिनिस्ट्रीस चर्च उदेपुर में केण्यौंऊँ कस्यान परच्यार किदा जावे ईका बारा में सबा किदी गी। जिंमें वटा के इस्कूल का छोरा-छोरी ने मलान पंदराक जणा सबा में भाग लिदो। जणाने पुवितर साख्र बाइबलऊँ केणी वणाणो, केणी पे मनन करबा में अन आपणी सेवा में ई तरिका ने लागू करन दूजाँ लोगौं तई परमेसर का वसन पौछावा का बारा में हिकबा ने मल्यो।

### मण्डळी आदारित साक्सरता को काम (सी. वी. एल.)

मण्डळी पे आदारित साक्सरता को काम को उद्देस ओ हे के, मण्डळी में यच्चौं कुई विस्वासी हे, जो भणवो-लिकणो ने जाणे हे, विने भणायो जावे। जणीऊँ वो फराटाबन्द बाइबल भणे अन हमज सके। अणी भणई को फायदो ओ हे के, यो अटा की मण्डळी का वणा मनका ने दिदो जा सके जो पाच्छा खुद मण्डळी में जान ईको फायदो दूजा लोगौं ने दे सके अन अनभण्यौं मनकाँ ने भणा सके। ईका वाते पेली दाण एक हप्ता की सबा मेवाड क्षेत्र में किदी गी, जिंमें राजस्तान की च्यार भासाऊँ आया तका मनकाँ ने वसन आदारित भणई की चिजाँ बणाणो हिकायो ग्यो। अबाणू माँ वागड़ी अन मेवाड़ी भासा में यो काम सुरु करबा की ओजणा बणई हे।



सी.वी.एल की सबा में त्यार किदी तकी चिजाँ

